

**Angerlarsimaffinni varmepumpenik aammalu solcellinik pilersitsinissamut pitsaaqutit aammalu ajoqqutit misissornissaanut Naalakkersuisut nassuiaammik suliaqarnissaat pillugu Inatsisartut aalajangiiffigisassaattut siunnersuut. Nassuiaat taakkuninnga ikkussisoqartillugu Namminersorlutik Oqartussat tapiissuteqarsinnaanissaannut aaqqiissummik eqqarsaatersuutinik imaqassaaq. Nassuiaat kingusinnerpaamik EM 2023 Inatssartunut tunniunneqassaaq.**

(Inatsisartunut ilaasortaq Nivi Olsen, Demokraatit)

### **Akissuteqaat**

(Nunalerinermut, Imminut Pilersornermut, Nukissiutinut Avatangiisinullu Naalakkersuisoq)

### **Aappassaanneerneqarnera**

Naalakkersuisut sinnerlugit Sanaartornermut Ataatsimiititaliaq allannguutissatut siunnersuummik kajumilluni suliaqarnera pillugu qutsavigaara.

Ataatsimiititaliap isumaliutissiissummini Inatsisartunut ilaasortat akornanni allannguutissatut siunnersuummut tapersersuisoqarnera pingaartippaa. Ataatsimiititaliap erseqqissaatigaa, iliuusissanut pilersaarutissatut siunnersuutigineqartoq suliaqarfirmi suliniutit ingerlateqqinneqarnissaannut tunngaviliisoq.

Naalakkersuisuniit mingutsitsinngitsunut allannguinnissaq sulissutigineqarpoq. Iliuusissanut pilersaarut manna atorlugu kissamut pumpit aamma seqernup qinngornerinik innaallagissiutit nammineq pigisat pitsaassusai maanilu nunatsinni atorsinnaassusai pillugit ilisimasaqalissaagut. Teknologiiit taakku Kalaallit Nunaani pissutsini pitsaassusai pillugit ilisimaneqalertussat, inoqutigiit ataasiakkaat mingutsitsinngitsunut allannguinnissaannut iluaqutaassapput.

Taamatut oqaaseqarluta Naalakkersuisuniit aalajangiiffigisassatut siunnersuummut aallaqqaammut saqqummiunneqartumut taarsiullugu allannguutissatut siunnersuutip matuma akuerineqarnissaa taperserparput.